

四庫全書

集部

欽定四庫全書

集部

楚辭章句卷十四
三

詳校官監察御史臣曹錫寶

檢討臣何思鈞覆勘

總校官進士臣朱 鈐

校對官修撰臣吳錫齡

騰錄監生臣沈啟晉

欽定四庫全書

楚辭章句卷十四

漢 王逸 撰

哀時命章句第十四

哀時命者嚴夫子之所作也。夫子名忌，與司馬相如俱好辭賦。客遊於梁，梁孝王甚奇重之。忌哀屈原受性忠貞，不遭明君而遇暗世，斐然作辭，歎而述之，故曰哀時命也。

哀時命之不及古人兮夫何予生之不遘時

遘遇也詩云遘閔既

多言己自哀生時年命不及古賢聖之出遇清明之時而當貪亂之世也

往者不可扳援兮

來者不可與期

言往者聖帝不可扳引而後世明主亦不可須待與期傷生不遇時遭困厄

也志憾恨而不逞兮

憾亦恨也論語曰與朋友共敵之而無憾逞解也

行中情

而屬詩

屬續也言已上下無所遭遇意中憾恨憂而

夜

炯炯而不寐兮懷隱憂而厯茲

言已中心愁怛目為炯炯而不能眠如遭大憂

常懷戚戚經厯年歲以至於此也

心鬱鬱而無告兮衆孰可與深謀

言已

心中憂毒而無所告語衆皆諂諛無可與議忠信也

欲愁悴而委情兮

欲愁貌也委情懈倦

也老冉冉而遠之

言已欲行忠信而不得進故然悲悴意中憊倦年復已過為老所及而志

不立

居處愁以隱約兮志沈抑而不揚

言已放於山澤隱身守約而志

意沈抑不得揚見於君而永憂恨也

道壅塞而不通兮江河廣而無梁

言已

欲竭忠謀讒邪壅塞而不得連若臨江河無橋梁以濟也

願至崑崙之懸圃兮采鍾

山之玉英

鍾山在崑崙山西北淮南言鍾山之玉燒之三日其色不變言已自知不用願避世遠去

工崑崙山遊於懸圃采玉英咀而嚼之以延壽也

擊瑤木之擘枝兮望閭風之

板桐

板桐山名也在閭風之上言已既登崑崙復欲引玉樹之枝上望閭風板桐之山遂涉天庭而遊戲

也弱水汨其為難兮

尚書曰道弱水至於合黎也

路中斷而不通

言已

想得登山顧以娛憂迫弱水不
得涉渡路絕不通所為無可也
執不能凌波以徑度

今又無羽翼而高翔

言已勢不能為船乘波渡水又無羽翼可以飛翔當亦窮困也然

隱憫而不達兮獨徙倚而彷徨

徙倚猶低徊也言已隱身山澤內自憫傷志不

得達猶徘徊彷徨而遊戲也

悵惆罔呂永思兮心紆軫而增傷

言已含憂

彷徨意中悵然惆罔長思心屈經痛苦重傷也

倚躊躇以淹留兮日餓饑而絕

糧

疏不熟曰饑言已欲躊躇久留恐百姓餓餓糧食絕乏也

廓抱景而獨倚兮超永

思乎故鄉

言已在於山澤廓然無耦獨抱形影而立廓長念楚國心不能已惆悵長思故鄉也

落寂而無友兮誰可與玩此遺芳

玩習也言已居處廓落又無知友當誰與

講習忠信之謀也

白日晡晚其將入兮哀余壽之弗將

將猶長也言日

月西流晡晚而歿夫時不可留哀我年命不得長久也

車既弊而馬罷兮蹇遭徊

而不能行

言已周行四方車以弊敗馬又罷極極蹇然遭徊不能復前而不遇賢君也

身既不

容於濁世兮不知進退之宜當

言已執貞潔之行不能自入貪濁之世恐不知

進止之宜當何所行者也

冠崔嵬而切雲兮劔淋離而從橫

淋離長貌也言

已雖不見容猶整飾衣服冠則崔嵬上摩於雲劔則長好文武並威與衆異也

衣攝葉以儲與

兮攝葉儲與不舒展貌

左祛挂於樽桑

祛袖也詩云羔裘豹祛言已衣服長大攝葉儲與不

得舒展德能弘廣不得施用東行則左袖挂於樽桑無所不覆也

右衽拂於不周兮六

合不足以肆行

六合謂天地四方也言己西行則右衽拂於不周之山以六合為小不足肆行

言道德盛大無所不包也

上同鑿柙於伏戲兮下合矩矱於虞唐已

德能純美宜上輔伏羲與同創量下佐堯舜與合法度而共治也

願尊節而式高兮志

猶卑夫禹湯

言己雖不見用猶尊高節度意卑禹湯不欲事也

雖知困其不改

操兮終不以邪枉害方

言己雖自知貧賤困極不能變志易操終不能邪枉其身以害

公方之行也

世並舉而好朋兮壹斗斛而相量

言今世之人皆好朋黨並

相薦舉持其貪佞之心以量清潔之士也

衆比周以肩迫兮

比親也周合也

賢者遠

而隱藏

言衆佞相與合同並肩親比故賢者遠逝而藏匿也

為鳳凰作鷦籠兮雖

翕翅其不容

為鳳凰作棲以鶉鴝之籠雖拿其翅翼猶不能容其形體也以言賢者遭世亂雖屈

其身亦不能自容入

靈鳳其不寤知兮馬陳詞而効忠

言懷王闇蔽心不覺

寤安所陳詞効已之忠信乎

俗嫉妬而蔽賢兮孰知余之從容

言楚國風

俗妬嫉蔽賢無有知我進退執守忠信也

願舒志而抽馮兮庸詎知其吉凶

庸用也言已思舒志意援引憤懣盡極忠信當何緣知其逢吉將被凶也

璋珪雜於甌窶兮

璋珪玉名也甌窶土孔

隴廉與孟媼同宮

隴廉醜婦也孟媼好女也言世人不識善惡乃

以甌窶之土雜廁圭玉又使醜婦與好女同室也以言君闇惑不別賢遇也

舉世以為恒俗

兮恒固將愁苦而終窮

言舉世不識賢愚以為常常我固當終身窮苦而已

幽獨

轉而不寐兮惟煩懣而盈匈

懣憤也言已愁思展轉而不能卧心中煩憤氣結滿

匈 寬眇眇而馳騁兮心煩寃之懣懣

言已精寬眇眇獨馳心中煩懣懣懣

而憂 志欽憾而不憺兮

憺安

路幽昧而甚難

言已心中欲恨意識不安

欲復遠去以道路深冥難數移也

塊獨守此曲隅兮然欲切而永歎

言已獨處山野塊然守此山曲心為切痛長歎而已愁修夜而宛轉兮氣涓灑其若波

言已心憂宛轉而不能卧愁夜之長氣為涓灑若水之波也

握刮刷而不用兮

刀 操規槩而無所施

言已懷德不用若工握刮刷而無所刻鏤特方圓而無所錯也

騁騏驥於中庭兮馬能極夫遠道

言騏驥壹馳千里乃騁之中庭促狹之處

不得展足以極遠道也。以言使賢者執酒掃之役亦不得展志意也。置獲狔于楹檻兮夫

何以責其捷巧

言獲狔當居高木茂林見其才力而置之楹檻之中迫局之處責其捷巧非其

理也。以言君子當在廟堂為政而棄之山林責其智能亦非其宜也。駟跛鼈而上山兮吾

固知其不能陞

言己念君信用衆愚欲以致治猶若駕跛鼈而欲上山我固知其不能登也。

釋管晏而任臧獲兮

臧為人所賤繫也。獲為人所係得也。何權衡之能稱

言君欲為政反置管仲晏嬰任用敗軍賤辱係獲之士何能稱權衡與至治乎。或曰臧守臧者也獲主禽者也。

皆卑賤無知之人。

篋籥雜於廢蒸兮機蓬矢以射革

已解於負

檐荷以丈尺兮欲伸要而不可得

荷曰負荷曰檐言已居於衰亂之世常低

頭倪視若以背肩負檐丈尺而外迫脅於機臂兮迫脅近附

也機臂考身也上牽騃於矐雥言已居常怖懼若附強考機臂畏其忘發上恐牽騃於矐射身

被矐繳也肩傾側而不容兮固陔腹而不得息言已欲傾側肩背容頭自

入又不見納故陔腹務光古清不白之士也

獲世之塵垢言古有賢士務光憎惡濁世言不見從自投深淵而死不為讒佞所塵汙已慕其

行孰魁推之可久兮願退身而窮處言已為讒佞所譖被過魁推不可久

止願退我身處於貧窮而已鑿山楹而為室兮楹柱下被衣於水渚渚水

渚也言已雖窮猶鑿山石以為室柱下洗浴水渚被己衣裳不失清潔也霧露濛濛其晨降

兮雲依斐而承宇

言幽居山谷霧露濛濛而晨來下
浮雲依斐承我屋雷晝夜闐冥也虹

霓紛其朝霞兮夕淫淫而淋雨

言天雲雜色虹霓揚
光紛然炫耀日未明且

復有朝霞則夕
淋雨愁且思也

怊茫茫而無歸兮悵遠望此曠野

言已
幽居

遇雨愁思茫茫無所依歸
但見曠野草木感茂也

下垂釣於谿谷兮上要求於

仙者

言已幽居無事下則垂釣餌於
谷上則要求結仙人從之受道也

與赤松而結友

兮比王儁而為耦

言已執守清潔遂
與二子為羣黨也

使臬楊先導兮

山神名也
即狒佛也

白虎為之前後浮雲霧而入冥兮騎白鹿而

容與

言已與仙人俱出則山神先
道乘雲霧騎白鹿而游戲也

菟胝胝以寄獨兮

胝

獨行貌也

汨徂往而不歸

言我鬼神壯壯獨行寄居而處汨然遂往而不還也

處卓卓

而日遠兮

卓卓高貌

志浩蕩而傷懷

言已隨從仙人上游所居卓卓日以高遠中心

浩蕩罔然愁思念楚國也

鸞鳳翔於蒼雲兮故矰繳而不能加蛟龍

潛於旋淵兮身不挂於罔羅

言鸞鳳飛於千仞蛟龍藏於旋淵故矰繳不能逮罔

羅不能加也以言賢者亦宜高舉隱藏法令不能拘也

知貪餌而近死兮不如下

游乎清波

清波清潔之流無人之處也言蛟龍明於避害知貪香餌必近於死故下游於清波無人之

之虞也以言賢者亦不宜貪祿位以危其身也

寧幽隱以遠禍兮孰侵辱之可

為言已亦寧隱身幽藏以遠患禍不能久被侵辱誠為難也

子胥死而成義兮屈原

沈於汨羅雖體解其不變兮宜忠信之可化志怛怛而

內直兮履繩墨而不頗

皆已解於離騷九辯七諫

執權衡而無私兮

稱輕重而不差

差過也言已如得執持權衡能無私阿稱量賢愚必不過差各如其理也

概

塵垢之枉攘兮

枉攘亂貌概除也

除穢累而反真

言已又破概

使君除去而反於清明之德

形體白而質素兮中皎潔而淑清

言已自念

形體潔白表裏如素心中皎潔內有善性清明之質也

時厭飫而不用兮且隱伏

而遠身

言時君不好忠直之士厭倦其言而不肯用故且隱伏山澤斥遠己身也

踞竄端而

匿迹兮嘆寂默而無聲

言已竭忠而不見用且逃頭匿足竄伏自藏執守寂寞吞舌無

也獨便愾而煩毒兮焉發憤而抒情

言已懷忠直之志獨愾愾煩毒無所

發我憤懣世已忠

時曖曖其將罷兮遂悶歎而無名

言已遭時不明

行善罷憐心遂煩悶傷無美名以流後世也

伯夷死於首陽兮卒天隱而

不榮

言伯夷識於首陽夫命而死不贊其爵祿得其榮寵也

太公不遇文王兮身

至死而得逞

言太公不遇文王至死不得解於廁賤也

懷瑤象而佩瓊兮願

陳列而無正

言已懷玉象履忠信願陳列已志無有明正之君聽而受之也

生天壑之

若過兮忽爛漫而無成

爛漫猶消散也言已生於天地之間忽若風雨之過晦然而消

散恨無成功也

邪氣襲余之形體兮疾憊怛而萌生

襲反也言已常恐邪

惡之氣及我形體疾病惛
痛橫發而生身僵仆也
願壹見陽春之白日兮恐不

終乎永年

言已放疾憂懼恐隨草木徂落不能
至陽春見白日不終年命遂委棄也

楚辭章句卷十四

欽定四庫全書

楚辭章句卷十五

漢 王逸 撰

九懷章句第十五

佳機

通路

危俊

昭世

尊嘉

蓄英

思忠

陶壅

株昭

九懷者諫議大夫王褒之所作也懷者思也言屈原雖見放逐猶思念其君憂國傾危而不能忘也褒讀屈原之文嘉其溫雅藻采敷衍執握金玉委之污瀆遭世溷

濁莫之能識追而愍之故作九懷以裨其詞史官錄第

遂列于篇

極運兮不中

周轉求君道不合也

來將屈兮困窮

遷就農桑修播植也

余深

愍兮慘怛

我內憤傷心切刺也

願一列兮無從

欲陳忠謀道隔塞也

乘

日月兮上征

想託神明陞天度也

顧遊心兮鄙鄙

回眄周京念先聖也文王都鄴

武王都鄴二聖有德明於用賢故顧其都冀遭逢也

彌覽兮九隅

厯觀九州求英俊也

彷徨

兮蘭宮

遊戲道室誦五經也

芷閭兮藥房

居仁履義守忠貞也

奮搖兮衆芳

動作應禮行馨香也

茵閣兮蕙樓

節度彌高德成就也

觀道兮從橫

衆人瞻望聞功

名寶金兮委積

志意堅固
策謀明也

美玉兮盈堂

懿譽光明
滿朝廷也

桂水

兮潺湲

芳流衍溢
周四境也

揚流兮洋洋

潔白之化
動百姓也

著蔡兮踴躍

著龜喜樂慕清高也著筮也蔡
大龜也論語曰臧文仲居蔡

孔鶴兮回翔

畏怖羅網
陞青雲也

撫檻兮遠望

登樓伏楯
觀楚郢也

念君兮不忘

思慕懷王
結中情也

怫鬱兮

莫陳

忠言蘊積
不列聽也

永懷兮內傷

長思切切
中心痛也

庄機

天門兮暨戶

金闕玉閨
君之舍也

孰由兮賢者

誰當涉履
英俊路也

無正兮

溷廁

邪佞雜亂
來並居也

懷德兮何覩

忠信之士
不見用也

假寐兮慙斯

衣冠

而寢自憐傷也不脫冠帶而
臥曰假寐詩曰假寐永歎
誰可與兮寤語東人愚闇
誰與謀也

痛鳳兮遠逝仁智之士
遁世士也畜鷓兮近處畜養
侯諛而親附也鯨鱣兮

幽潛大賢隱遁
窟林藪也從蝦兮遊階小人並進
在朝廷也鯨鱣兮乘

虬兮登陽意欲駕龍
而陞雲也載象兮上行遂騎神獸
用登天也

能飛也朝發兮葱嶺旦發西極
之高山也夕至兮明光暮宿東極
之丹巖也

飲兮飛泉吮嗽天液
之浮源也南采兮芝英咀嚼靈草
以延年也宣遊兮列

宿編厯六合
視衆星也順極兮彷徨周統北辰
觀天庭也紅采兮駢衣婁娑
五采

芬華也翠縹兮為裳衣色瑋瑋
耀青葱也舒佩兮緜纒緜帶徐步
五玉鳴也疎

余劔兮干將

握我寶劔
立延頸也

騰蛇兮後從

神虺侍從
慕仁賢也

飛駟兮

步旁

駟馳奮飛
承轂輪也

微觀兮玄圃

上晚帝圃
見天園也

覽察兮瑤光

觀

斗杓與
玉衡也

啟匱兮探筴

發匣引籌
考祿相也

悲命兮相當

不獲富貴
值流放也

紉蕙兮永詞

結草為誓
長訣行也

將離兮所思

背去九族
遠懷王也

浮雲兮

容與

天氣瀟灑
乍東西也

道余兮何之

來迎導我
難隨從也

遠望兮仟眠

視

楚國闔
未明也

聞雷兮闔闔

君好妄怒
威武威也

陰憂兮感余

內志鬱伊
害我性也

惆悵兮自憐

悵然失志
嗟厥命也

通路

林不容兮鳴蜩

國不養民賢宜退也

余何留兮中州

我去諸夏將遠逝也陶

嘉月兮總駕

嘉及吉時驅乘駟也

蹇玉英兮自修

采取瓊華自修飾也

結榮

莖兮透逝

束草陳信逐奔邁也

將去烝兮遠遊

遠離於君之四裔也

徑岱土

兮魏闕

行出北荒山高桀也

歷九曲兮牽牛

通觀列宿九天際也

聊假日兮相

佯

且徐遊戲須年歲也

遺光耀兮周流

敷揚榮華垂顯烈也

望太一兮淹息

觀天貴將止沈滯也

紆余轡兮自休

緩我馬勒留寢寐也

晞白日兮皎皎

天精

光明而照察也

彌遠路兮悠悠

周望八極究地外也

顧列亭兮縹縹

邪視彗星

光幣幣也

觀幽雲兮陳浮

山氣滿鬱而羅列也

鉅寶遷兮砢礪

太歲轉移聲礪

也碓雉咸離兮相求

飛鳥鶯鳴雌雄合也

決莽莽兮究志

周望率土遠廣大也

懼吾心兮憐憐

惟我憂思意愁毒也

步余馬兮飛柱

徘徊神山且休息也覽

可與兮匹儔

厯觀羣英求妃合也

卒莫有兮纖介

衆皆邪佞無忠直也

永余

思兮怵怵

愁心長慮憂無極也

危俊

世溷兮冥昏

時君闇蔽臣貪佞也

違君兮歸真

將去懷王就仁賢也

乘龍兮

偃蹇

駢駕神獸犖紛紜也

高回翔兮上臻

行戲遊遊遂至天也

襲英衣兮緹

縵重我絳袍采色鮮也

披華裳兮芳芬

徐戔文衣動馨香也詩曰娑娑其下

登羊角

兮扶輿

陞彼高山徐顧貌也

浮雲漠兮自娛

乘雲歌吟而遊戲也

握精神兮

雍容

握持神明動容儀也

與神人兮相胥

留待松喬與伴儂也

流星墜兮成

雨

陰精並降如墜雨也

進瞵盼兮上丘墟

天旦欲明至山漢也

覽舊邦兮瀟

鬱

下見楚國之亂危也

余安能兮久居

將背舊鄉之九夷也

志懷逝兮心慟

慄

心中欲去內傷悲也

紆余轡兮躊躇

緩我馬勒而依徊也

聞素女兮微歌

神仙謠吟聲依違也

聽王后兮吹竽

伏羲作樂百蟲至也

魂悽愴兮感哀

惆悵而思歸也

腸回回兮盤紆

意中毒悶心紆屈也

撫余佩兮續紛

相糾結也

高太息兮自憐

長數傷已遠放棄也

使祝融兮先行

伴南方神開執

轍令昭明兮開門

炎神前驅
闕梁發也

馳六蛟兮上征

乘龍直驅
陞聞闕也

踈余駕兮入冥

遂馳我車
上寥廓也

歷九州兮索合

周遍天下
求雙匹也

誰

可與兮終生

莫足與友
為親密也

忽反顧兮西園

見彼龍蜀
道阻泥也

覩軫

丘兮崎傾

山陵巖岑
難涉歷也

橫垂涕兮泣流

悲思念國
泣雙下也

悲余后

兮失靈

哀惜我后
違天法也

昭世

季春兮陽陽

三月溫和
氣清明也

列草兮成行

百卉垂條
吐榮華也

余悲兮

蘭生

哀彼香草
獨隕零也

委積兮從橫

枝條摧折
傷根莖也

江離兮遺捐

忠

之士棄山林也 辛夷兮擠臧仁智之士抑沈沒也 伊思兮往古惟念前世

亦多兮遭殃仁義遇罰禍及身也 伍胥兮浮江吳王棄之於江濱也 屈子兮

沈湘懷沙負石赴汨澗也 運余兮念茲轉思念此志煩寃也 心內兮懷傷腸中

惻痛推肝肺也 望淮兮沛沛臨水恐慄畏福患也 濱流兮則逝意欲隨水而隱遁也

榜舫兮下流乘舟順水避海濱也 東注兮磕磕清波踴躍多險難也 蛟龍兮

導引蛇螭水禽馳在前也 文魚兮上瀨巨鱗扶已度涌湍也 抽蒲兮陳坐拔草

為席處薄單也 援芙蓉兮為蓋引取荷華以覆身也 水躍兮余旌風波動我旌旗

也 繼以兮微蔡續以草芥入己舩也 雲旗兮電騫遂乘風電馳橫奔也 儵忽

兮容裔

往來並疾若鬼神也

河伯兮開門

水君瑛望開府寺也

迎余兮歡欣

喜笑迎已愛我善也

顧念兮舊都

還視楚國思郢城也

懷恨兮艱難

抱念志恨常欲

還竊哀兮浮萍

自此如蘋生水瀕也

汎淫兮無根

隨水浮游乍東西也

尊嘉

秋風兮蕭蕭

陰氣用事天政急也

舒芳兮振條

動搖百草使芳蕪也

微霜兮

眇眇

霜凝微薄寒深酷也

病歿兮鳴蜩

飛蟬卷曲而寂默也

玄鳥兮辭歸

將

入海化為蛤也

飛翔兮靈丘

悲鳴神山奮羽翼也

望谿兮瀟鬱

川谷吐氣雲間味也

熊羆兮咆吼

猛獸應秋將害賊也

唐虞兮不存

堯舜已過難追逐也

何故兮

久留

宜更求居之他國也

臨淵兮汪洋

瞻望大川廣無極也

顧林兮忽荒

視

喬木與山薄也

修余兮袿衣

整我袿裳自結束也

騎霓兮南上

託乘赤霄登張翼也

棄雲兮回回

戴氣浴浴意中惡也

疊疊兮自強

稍稍陞進遂自力也

將息兮

蘭皋

且欲中休止方澤也

失志兮悠悠

從高視下目眩惑也

紛蘊兮衛蘊

思

蓄積面垢黑也

思君兮無聊

想念懷王忘寢食也

身去兮意存

體遠情近在膏臆也

愴恨兮懷愁

心中憂恨內悽惻也

蓄英

登九靈兮遊神

想登九天放精神也

靜女歌兮微晨

神女夜吟聲激清也

悲

皇丘兮積葛衆體錯兮交紛

言已見美大之丘葛草綠之而生交錯茂盛人不異

而采取則不成締絡也以言楚國士民衆多君不異而舉用則不知其有德也

貞枝抑兮枯槁

正枉車登兮慶雲

慶雲喻尊顯也言葛有正直之枝抑棄枯槁而不見采枉壞惡者滿車陞

進反見珍重御尊顯也以言貞正之人棄於山野佞曲之臣陞於顯朝也感余志兮慘慄

動

我心如析割也心愴愴兮自憐

意中切傷憂悲楚也駕玄螭兮北征

將乘山神

而奔走也躡吾路兮葱嶺

欲踰高山度阻險也連五宿兮建旄

像績列星為旗

旄也揚氛氣兮為旌

舉布覆霧作旗表也

歷廣漠兮馳騫

徑過長沙馳騫馬也

覽中國兮冥冥

顧視諸夏尚昧晦也

玄武步兮水母

天龜水神侍送余也

與

吾期兮南榮

典已為誓會炎野也南方冬溫草木常茂故曰南榮

登華蓋兮乘陽

工築北斗躡房星也

聊逍遙兮播光

且徐遊戲布文采也

抽庫婁兮酌醴

引持

二星以斟酒也

援爬瓜兮接糧

嚼食神果志厭飽也

畢休息兮遠逝

周徧留止

而復去也發玉軛兮西行

引支車木速馳驅也

惟時俗兮疾正弗可久

兮此方

世憎忠信愛諂諛也

寤辟揅兮永思

心常悵愁拊心踴也辟拊心貌也

心

怫鬱兮內傷

憂思積結肝腑爛也

思忠

覽杳杳兮世惟

觀楚泥濁俗愚蔽也

余惆悵兮何歸

罔然失志無依附也

傷

時俗兮溷亂

哀惡當世
衆貧暴也

將奮翼兮高飛

振翅翔翔
絕塵埃也

駕八

龍兮連蜷

乘此翔翔
見容貌也

建虹旌兮威夷

樹蜺蜺旗
紛光耀也

觀中宇

兮浩浩

大哉天下
難偏照也

紛翼翼兮上躋

威氣振迅
陞天衢也

浮溺水兮

舒光

遂渡沉流
揚精華也

淹低徊兮京沚

且留水側息
河洲也水中可居為洲小洲為渚

小者為江京沚者即高洲也

屯余車兮索友

任我之駕
求松喬也

覩皇公兮問

師

遂見天帝
詰秘要也

道莫遺兮歸真

執守無為
修朴素也

羨余術兮可夷

念已道藝可悅樂也詩云既見君子我心則夷夷喜也

吾乃逝兮南娛

往之大陽
遊九野也

道幽路兮九疑

涉歷深山
過舜墓也

越炎火兮萬里

積熱彌天
不可處也

過

萬首兮凝凝

見海中山數萬頭也海中山石凝凝嶽嶽萬首交峙也

濟江海兮蟬蛻遂

大水解形體也

絕北梁兮永辭

超遇海津長訣去也

浮雲鬱兮晝昏

楚國潰亂氣未除也

霾土忽兮歷歷

風俗塵濁不可居也

息陽城兮廣夏

遂止炎野大屋廬也

衰色罔

兮中息

志欲懈倦身罷勞也

意曉陽兮燎寤

心中燎明內自覺也

乃息軫兮存茲

徐自省視至此處也

思堯舜兮襲興

喜慕二聖相繼代也

幸咎繇兮獲謀

冀遇虞舜與議

道也悲九州兮靡君

傷今天下無聖主也

撫軼歎兮作詩

伏車浩歎作風雅也

陶壘

悲哉于嗟兮

悲思憤懣長歎息也

心內切嗟

意中激感腸痛惻也

歎冬而生

兮

物叩感陰
不滋育也

凋彼葉柯

傷害根莖
枝卷曲也

瓦礫進竇兮

使偽愚
懇侍惟

也

捐棄隨和

貞良君子
棄山澤也

鈎刀厲御兮

頑冥之徒
任政職也

頓棄太

阿

明智忠賢
致斥逐也

驥垂兩耳兮

雄俊佯愚
閉口目也

中坂蹉跎

象無知
己不盡

也

蹇驢服駕兮

駑鈍之徒
為輔翼也

無用日多

僮蒙並進
填滿國也

修潔處

幽兮

執履清白
居幽側也

貴寵沙廁

權右大夫
伴不識也

鳳皇不翔兮

賢智
隱處

也

鷦鷯飛揚

小人得志
作威福也

乘虹驂蛻兮

託駕神氣
而遠征也

載雲

變化

陞高去俗
易形貌也

鷦鷯開路兮

仁士智鳥
導在前也

後屬青蛇

介蟲
之長

也

步驟桂林兮

馳逐正道
德香芬也

超驥卷阿

騰越曲阜
過厄難也

丘陵

翔儻兮

山丘踴躍而歡喜也

谿谷悲歌

川瀆作樂進五音也

神章靈篇兮

河

洛書緯識文也

赴曲相和

宮商並會應琴瑟也

余私娛茲兮

我誠樂世發中心也

孰

哉復加

天下微悅莫如今也

還顧世俗兮

回視楚國及衆民也

壞敗罔羅

廢棄

仁義修詭譎也

卷佩將逝兮

袪衣束帶將橫奔也

涕流滂沱

思君念國泣霑衿也

株昭

亂曰皇門開兮

王門啟闢路四通也

照下土

鏡覽幽冥見萬方也

株穢除兮

邪惡已消遠逃亡也

蘭芷覩

俊又英雄在朝堂也

四佞放兮

驩共苗鯀窟四荒也

後得

禹乃獲文命治江河也

聖舜攝兮

重華秉政執紀綱也

昭堯緒

著明唐業致時雍也

孰

能若兮

誰能知人
如唐虞也

願為輔

思竭忠信
備股肱也

楚辭章句卷十五

欽定四庫全書

楚辭章句卷十六

漢 王逸 撰

九歎章句第十六

逢紛

靈懷

離世

怨思

遠逝

惜賢

憂苦

愍命

思古

九歎者護左都水使者光祿大夫劉向之所作也向以博古敏達典校經書辯章舊文追念屈原忠信之節故作九歎歎者傷也息也言屈原放在山澤猶傷念君歎

息無已所謂讚賢以輔志騁詞以曜德者也

伊伯庸之末胄兮

胄後也左氏傳曰戎子駒支四嶽之裔胄也

諒皇直之屈

原

諒信也論語曰君子貞而不諒言屈原承伯庸之後信有忠直美德甚於衆人也

云余肇祖

于高陽兮惟楚懷之嬋連

嬋連族親也言屈原懷王俱顛頊之孫有嬋連之族親恩

深而義篤也

原生受命于貞節兮鴻永路有嘉名

鴻大也永長也路道

也言屈原受陰陽之正氣體合大道故長有美善之名也

齊名字於天地兮

謂名平字原也

並光明於列星

謂心達道要文章光耀若天有列星也

吸精粹而吐氛濁

兮

氛惡氣也左氏傳曰楚氣甚惡言已吸天地精明之氣而吐其塵濁內潔淨之氣也

橫邪世而

不取容

言己體清潔之行在橫邪貪枉之世而不能自容入於衆也

行叩誠而不阿

兮

叩擊也阿曲也

遂見排而逢讒

言己身不容惟以好叩擊人之過故遂為讒佞所排逐也

后聽虛而黜實兮

黜貶也實誠也

不吾理而順情

言君聽讒佞虛言以貶忠

誠之實不理我言而順邪偽之情故見放流也

腸憤悁而含怒兮志遷蹇而左

傾

言己執忠誠而見貶黜腸中憤懣悁悒而怒則志意遷移左傾而去也

心懍慌而不我

與兮

懍慌無思慮貌

躬速速而不吾親

速速不親附貌言君心懍慌而無思慮不肯與

我謀議用志速速不與己相親附也

辭靈修而隕意兮

隕墮也易曰有隕自天也吟澤

畔之江濱

畔界也濱涯也言己與懷王辭訣志意墮落長吟江澤之涯而已

板桂羅以

顛覆兮

顛頓也覆仆也

有竭信而歸誠

言己見先賢若楸桂之人以被禍其身顛仆然

猶竭信歸誠而志不懼也

讒夫藹藹而曼著兮

藹藹盛多貌詩云藹藹王多吉士漫汚也

曷其不舒予情

曷何也言讒人相聚藹藹而盛欲漫汚人以自著明君何其不舒我忠情以詰

責之

始結言於廟堂兮

結猶聯也廟者先祖所居也言人君為政舉事必告於宗廟議

之於明堂信中塗而叛之

塗道也叛背也言君始嘗與已結議連謀於明堂之上今信用讒言

中道而更背我也

懷蘭蕙與蘅芷兮行中壑而散之

言己懷忠信之德執

芬香之志遠行中野散而棄之傷不見用也

聲哀哀而懷高丘兮心愁愁而

思舊邦

言己放斥山野發聲而吟其音哀哀心愁思者念高丘之山阻歸故國也

願承間而

自恃兮徑淫曠而道塵

淫曠闇昧也詩云不日有曠言已思承君閒暇心中自恃冀得

竭忠而徑路闇昧遂以壅塞也

顏黻黻以沮敗兮

黻黑也沮壞也精越裂而衰

耄

越去也裂分也耄老也言已欲進不得中心憂愁顏色黧黑面狀壞敗精神越去氣力衰老也

裳襜

襜而含風兮

襜襜搖貌

衣納納而掩露

納納濡濕貌也上曰衣下曰裳言已放行

山野下裳襜襜而含疾風上衣濡濕而掩霜露單行獨處身苦寒也

赴江湘之湍流兮順

波湊而下降

湊聚也言已乘船赴江湘之疾流順聚波而下行身危殆也

徐徘徊於

山阿兮

阿曲隅也

飄風來之洶洶

洶洶譁聲也言已至於山之隈曲且徐徘徊冀想君

命飄風卒至復聞讒佞洶洶欲來害已也

馳余車兮玄石

玄石山名步余馬兮澗

庭洞庭水名平明發兮蒼梧夕投宿兮石城石城山名言已動履大水宿止

名山用志清潔且堅固也芙蓉葢而菱華車兮紫貝闕而玉堂紫貝水蟲

名搜神契曰江水出大貝薜荔飾而陸離薦兮陸離美玉也薦臥席也魚鱗衣

而白蛻裳魚鱗衣雜五綵為衣如鱗文也言所居清潔被服芬芳德體如玉文綵耀明也登逢

龍而下隕兮逢龍山名違故都之漫漫言已登逢龍之山而遂下顧去楚國之遠

也遠思南郢之舊俗兮腸一夕而九運言已思念郢都邑里故俗腸中愁悴

一夕九轉欲還歸也揚流波之潢潢兮潢潢大貌體溶溶而東回溶溶波貌

言已隨流而行水盛廣大心怡悵以永思兮意晻晻而

自頽

言已將至於海心中怙悵而長思意賒賒而稍下恐不復還也

白露紛紛以塗塗

兮

塗塗厚貌

秋風瀏瀏以蕭蕭

瀏瀏風疾貌言四時欲盡白露已降秋風急疾年歲且老

愁憂思也

身永流而不還兮魂長逝而常愁

言已身隨水長流不復旋反則

魂魄遂去常愁念楚國也

歎曰譬彼流水紛揚礧兮波逢洶洶紛滂沛兮

水性清潔平正

順而不爭故以喻屈原也言水逢風紛亂揚波滂沛失其水性以言屈原志行清白遭逢貪佞被過放逐亦失其本

揄揚滌盪漂流隕往觸岑石兮

岑銳也言風揄揚水流隕往觸銳利

之石使之危殆以言楚人亦揚已過使得臯罰也

龍印將圜繚戾宛轉阻相薄

兮言水得風則龍印線疾與險阻相薄不得順其流性也以言忠臣逢讒人亦匡攘惶遽而竄伏也遭

紛逢凶蹇離尤兮

言已遭逢紛濁之世而遇百凶以蹇蹇之故而遂以得過也

垂文

揚采遺將來兮

言已雖不得施行道德將垂典雅之文揚美藻之采以遺將來賢君使知己志也

逢紛

靈懷其不吾知兮靈懷其不吾聞

言懷王闇惑不知我之忠誠不聞我之清

白反用讒言而放逐已也

就靈懷之皇祖兮愬靈懷之鬼神

言已所

而不見信願就懷王先祖告語其寃使照已心也鬼神明察故欲愬之以自證明也

靈懷曾不吾

知兮即聽夫讒人之諛辭

言懷王之心曾不與我合又聽用讒說之辭言以過惡於

也已余辭上參於天墜兮旁引之於四時言已所言輒上參之於天下合

之於地旁引四時之神以為符驗也指日月使延照兮延長也撫招搖以

質正招搖北斗杓星也斗主建天時言已上指語日月使長視已撫斗柄杓使質正我之志動告神明以

自徵也立師曠俾端詞兮師曠聖人字子壘生無目而善聽晉平公時端正也命咎

繇使並聽言已之言信而有徵誠可據行願立師曠使正其詞令咎繇並而聽之二聖聰明長於人

情知真偽之心也兆出名曰正則兮卦發字曰靈均言已生有

名我為正則以法天筮而卜之余幼既有此鴻節兮長

愈固而彌純言已幼少有大節度以應天不從俗而諛

卦得坤字我曰靈均以法地也

行兮

言猶傾也

直躬指而信志

言已執履忠信不能隨從俗人傾易其行直身而言以信

己之志終不回移也

不枉繩以追曲兮屈情素以從事

言已心正直不能枉

性以追曲俗屈我素志以從衆人而事之也

端余行其如玉兮迷皇興之踵

跡

言思正我行令之如玉不置瑕惡以承述先王正治之法繼續其業而大之也

羣阿容以晦

光兮

晦冥也光明也

皇興覆以幽辟

幽僻闇昧也言羣臣皆行枉曲以蔽君之聰明使楚

國闇昧將危覆也

興中塗以回畔兮駟馬驚而橫犇

馬以喻賢臣也言君

為無道國中道倍畔而去賢臣驚怖犇亡爭欲遠也

執組者不能制兮

執組猶織組也

織組者動之於此而成文於彼善御者亦動之於手而盡馬力也詩云執轡如組

必折軛而摧

輶言駟馬驚奔雖有執轡之御猶不能制必推車輓而折其轅也以言賢臣奔亡使國荒亂而傾危也斷

鑣銜以馳驚兮鑣勤也銜飾口鐵也暮去次而敢止暮夜也次舍也止制也言

車敗馬奔鑣銜斷絕猶自馳驚至於暮夜乃舍無有制止之者也以言人臣一去君亦不復得拘留也路

蕩蕩其無人兮蕩蕩平易貌也尚書曰王道蕩蕩遂不禦乎千里禦禁也言

君國之道路蕩蕩空無賢人以待遇之故遂行千里遠之他方也不身衡陷而下沈兮衡

也不可獲而復登言已遠去千里身必橫陷沈沒長不可復得登引而用之也不顧

身之卑賤兮惜皇興之不興言已遠行千里不敢顧念身之貧賤欲慕高位也惜

君國失賢道德不得威也出國門而端指兮方冀壹寤而錫還言已放出

國門正心直指執履誠信
幸君覺寤賜己以還命也
哀僕夫之坎毒兮坎恨也
屢屢毒也

離憂而逢患

屢數也言己不自念惜身之放逐誠哀僕御之夫坎然恚恨以數逢憂患無已時也

九年之中不吾反兮思彭咸之水遊

言己放出九年君不肯反我中心愁

思欲自沈於水與彭咸俱遊戲也

惜師延之浮渚兮

師延殷紂之臣也為紂作新聲北里

之樂紂失天下即延抱其樂器自投濮水而死也

赴汨羅之長流

言己復貪慕師延自投於

水身浮渚涯冀免於刑罰故遂赴汨水長流而去也

遵曲江之逶移兮

逶移長貌觸石

碣而衡遊

言己願循江水逶移而行反觸石碣而復橫流所為無可也

波澧澧而揚

澧兮

澧澧波聲也同波為澧也

順長瀨之濁流

言己橫流而行水波澧澧回而揚流邪引

已船則順長瀨之流以避其難也

凌黃沱而下低兮

黃沱江別名也思

還流而復反

言已凌乘黃沱低船而下將入於海心思還水之流冀幸復還反也

玄與馳

而並集兮

玄者水也

身容與而日遠

言已以水為車與船並馳而流故身容與日以

速擢舟杭以橫瀾兮

瀾渡也由漆以上為瀾也

濟湘流而南極

濟亦渡也

言已乃擢船橫行南渡相水極其源流也

立江界而長吟兮
愁哀哀而累息

言已還入大江之界遠望長吟心中悲嘆而太息哀不遇也

情慌忽以忘歸兮
神浮

遊以高厲

言已心愁情志慌忽思歸故鄉則精神浮遊高厲而遠行也

志蚤蚤而懷

顧兮

蚤蚤懷憂貌也

魂眷眷而獨逝

眷眷顧貌詩云眷眷懷顧言已心中蚤蚤常懷大憂

內自顧哀則魂神卷
卷獨行無有還意也

歎曰余思舊邦心依違兮日暮黃昏嗟幽悲兮

言我思念故國

心中依違不能遠去日暮黃昏無所歸附中心悲愁而憂思也

去郢東遷余誰慕兮讒

夫黨旅其以茲故兮

旅衆也言已去郢東徙我誰思慕而欲遠去乎誠以讒夫朋黨衆多

之故而見放棄也

河水淫淫情所願兮

淫淫流貌

顧瞻郢路終不返

兮

言河水淫淫流行日遠誠我中心之所願慕也

靈懷

惟鬱鬱之憂毒兮志坎壈而不違

坎壈不遇貌也言已放逐心中鬱鬱憂而

愁毒雖坎壞不遇志不離於忠信也

身憔悴而考旦兮

憔悴憂貌也考旦猶終也旦明也

黃昏而長悲

言已心憂憔悴從夜終明不能寢寐日入黃昏復涕泣而長悲也

閔空宇

之孤子兮

字居也無父曰孤

哀枯楊之冤鷄

冤煩冤也生哺曰鷄生啄曰鷄言已

既放傷念坐於空室之中孤子筑筑東西無所依歸又悲哀飛鳥生鷄其身煩冤而不得出在於枯楊之樹居

危殆也言已有孤子之憂冤鷄之危也

孤雌吟於高墉兮

墉墉也易曰射隼于高墉之上

言冤雛之生早失其母孤居吟於高墉之上將復遇害也言已亦失其所居在於林澤居非其處恐顛

仆鳴鳩棲於桑榆

言鳩鳥輕佻巧利乃棲於桑榆居茂木之上鼓翼而鳴得其所也以言讒

佞弄口妄說以居尊位得志意也

玄蜃失於潛林兮獨偏棄而遠放

言玄

蟻捷敏失於高深之林則獨偏遇放棄忘其能也以言賢人棄在山澤亦失其志也 征夫勞於周

行兮

行道也詩云苦苦公子行彼周道

處婦憤而長望

言征行之夫罷勞周道行役過

時而不得歸則處婦憤懣長望而思之申誠信而罔違也以言己放在山澤之中曾無思之也

兮情素潔於紉帛

申重罔無也紉結束也易曰束帛美美言已放棄雖無有思之者然猶重

行誠信無有違離情志潔淨有如束帛者也 光明齊於日月兮文采耀於玉

石

言己耳目聰明如日月之光無所不照傷壓次而不

發兮

壓鎮壓也次失次也思沈抑而不揚言己懷文武之質自傷

美德思慮沈抑而不得揚見也 芳懿懿而終敗兮 名靡散而不彰

靡散猶消滅也言已有芬芳懿美之德而放棄不用身將終敗名字消滅不得彰名於後世也背玉門

以犇騫兮

玉門君門

蹇離尤而干諾

干求也言已背君門犇馳而去者以已忠信之

故得過於衆而自求辱也若龍逢之沈首兮王子比干之逢醢聖賢忠諫

而見誅也念社稷之幾危兮反為讐而見怨言已念君信用讒夫社稷幾危

以故正言極諫反為衆臣所讐而見怨惡也思國家之離沮兮躬獲愆而結

難言已思念國家綱紀將以離壞而竭忠言身以得過結為患難也若青蠅之偽質兮

偽猶變也青蠅變白使黑變黑成白以喻讒佞詩云營營青蠅晉驪姬之反情言讒人若青蠅

變轉其語以善為惡若晉驪姬以申生之孝反為悖逆也恐登階之逢殆兮故退伏

於未庭

未遠也言已思欲登君階陛正言直諫恐逢危殆故復退身於遠庭而竄伏也

孽子之

號咷兮

號咷謹呼

本朝蕪而不治

言佞臣妖孽委曲其聲相聚譏諱君以迷惑國將傾

危朝用蕪歲而不治也

犯顏色而觸諫兮反蒙辜而被疑

言己以犯君之

顏色觸禁而諫反蒙辜而被猜疑不見信也

菀靡蕪與菌若兮

菀積

漸藁本於

沓瀆

汗瀆小溝也

淹芳芷於腐井兮

淹瀆也腐臭也

棄雞駭於筐篋

雞駭文犀也筐篋竹器也言積瀆衆芳於汙泥臭井之中棄文犀之角置於筐篋而不帶佩蔽其美質失其性

也以言棄賢智之士於山林之中亦失其志也

執棠谿以荆蓬兮

棠谿利劍也荆斫也

秉

干將以割肉

干將亦利劍也利劍宜以為威誅無狀以征不服今乃用斫蓬蒿割熟肉非其宜也

以言使賢者為僕隸之徒非其宜也論語曰割雞焉用牛刀

筐澤瀉以豹鞞兮

筐滿也澤瀉

瀉惡草也鞞革也論語曰虎豹之鞞言取澤瀉惡草成於革囊滿而藏之無益於用也以言養育小人置之高

堂亦無益於政治也破荆和以繼築築木杵也言破和氏之璧以繼築杵而春敗玉寶失其好

也以言取賢人刑傷使執所使亦害忠良失其宜也時溷濁猶未清兮世殺亂猶

未察

察明也言時世貪濁善惡殺亂尚未清明也

欲容與以俟時兮懼年歲

之既晏

晏晚也言已欲遊戲以待明君恐年歲已晚身衰老也

顧屈節以從流兮

心鞏鞏而不夷

鞏鞏拘學貌也夷悅也言思屈己忠直之節隨俗流行心中鞏鞏拘學仁義不

舒而志不悅樂寧浮沅而馳騁兮下江湘呂遭迴遭迴運轉也言已不能隨

俗寧浮身於沅水馳騁而去遂下湘江運轉而行也

歎曰山中檻檻余傷懷兮

檻檻車聲也詩云大車檻檻言已放去山中車行檻檻鳴

有節度自傷不遇心愁思也

征夫皇皇其孰依兮

皇皇惶遽貌言已惜征行之夫心常

惶遽一身獨處無所依附者也

經營原野杳冥冥兮

南北為經東西為營言已放行山野

野之中但見草木冥無有人民也

乘騏驎舒吾情兮

言已願欲乘騏驎馳騁以求賢

君舒肆忠節展我之情也

歸骸舊邦莫誰語兮

言已心念故鄉雖死欲歸骸骨於楚國無

誰告語達於己之心也

長辭遠逝乘湘去兮

言已欲歸骸骨於楚國而衆不知故復長

辭乘水而欲遠去也

離世

志隱隱而鬱怫兮

隱隱憂也詩云憂心殷殷

愁獨哀而寃結

言已放流心中

隱隱而憂愁思念怫鬱獨自哀傷執

腸紛紛呂繚轉兮

紛紅亂貌也繚繞也

涕漸漸其若屑

漸漸泣流貌也言已憂愁腸中迴亂繚繞而轉涕泣交流

若磨屑之下而無絕時也

情慨慨而長懷兮

慨慨歎貌也詩云慨我寤歎

信上皇

而質正

上皇上帝也言已中情憤懣慨然長歎欲自信理於上帝使天正其意也

合五嶽與

八靈兮

五嶽五方之山也王者巡行考校政化之處也東嶽泰山西嶽華山南嶽衡山北嶽恒山中央

為嵩山八靈八方之神也

訊九魁與六神

訊問也詩云執訊獲醜九魁為北斗九星也言已忠

直而不見信用願合五藏與八方之神察
己之志上問九魁六宗之神以照明之也
指列宿呂白

情兮訴五帝呂置詞

言已願復指語二十八宿呂列已清白之情告訴五方之帝令受我

詞而聽之也北斗為我質中兮太一為余聽之
乃復使北斗

為我正其中和太一之神聽其善惡也云服陰陽之正道兮
陽為仁也陰為義也御

后土之中和

土色黃其味甘故言中和也言群神勸我動作承天奉地服循仁義處中和之行無

有違離也佩蒼龍之蚺虬兮
蚺虬龍貌帶隱虹之透蛇
隱大也透蛇長貌

曳彗星之皓盱兮

曳引也皓盱光也撫朱爵與鷄鷄
朱爵鷄鷄守神俊之

鳥也言已動呂神物自喻諸神勸我行當如蒼龍能屈能申志當如大虹能揚文采精當若彗星能耀光明舉

當若鷄鶴飛能升天也

遊清霧之颯戾兮

颯戾清涼貌

服雲衣之披披

披披長貌也言積德不止乃工遊清冥清涼之庭被服雲氣而通神明也

杖玉策與朱旗兮

垂明月之玄珠

朱赤也黑光曰玄也

舉霓旌之埤翳兮

埤翳陰翳貌

建

黃昏之總旄

總合也黃昏時天氣玄黃故曰黃昏也言已修善彌固手乃杖執美玉之華帶明月

之珠揚赤霓以為旌雜五色為旗旄志行清明車服又殊也

躬純粹而罔愆兮承皇

考之妙儀

儀法也言已行度純粹而無過失上以承美先父高妙之法不敢解也

惜往事

之不合兮橫汨羅而下厲

言已貪惜以忠事君而志不合故欲橫渡汨水自沈沒

也乘隆波而南度兮

隆威也

逐江湘之順流赴陽侯之潢

洋兮下石瀨而登洲

言已願乘盛波逐湘江之流赴陽侯之大波過石瀨之湍登水中之

洲身歷危殆不遑安處也

陸魁堆呂蔽視兮

魁堆高貌

雲冥冥而開前山

峻高且無垠兮遂曾闕而迫身

垠岸涯也曾重也闕大也言已所在之處前有

高陵蔽不得視後有峻大之山迫附於己幽藏山野心中愁思也

雪雰雰而薄水兮

雰雰

雪貌雲霏霏而隕集

隕下也集會也

阜隘狹而幽險兮

大陸曰阜狹滿也

石嶮嵯且翳日

翳蔽也言已居隘險之處山石蔽日霜雲並會身既憂愁又寒若也

悲故

鄉而發忿兮

忿恚也

去余邦之彌久

言已不得還歸中心發恚忿自恨去我國

邑之甚久也

背龍門而入河兮

龍門郢東門也

登大墳而望夏首

言已

虛被譏言背郢城門而奔走將入大河
登其高墳呂望夏水之口泄思念也
橫舟航而濟湘

兮耳聊啾而懽懽

聊啾耳鳴也懽懽憂愁也言舟航渡湘水寂無人聲耳中聊啾而自鳴意

中憂愁而懽懽無所依歸也

波淫淫而周流兮鴻溶溢而滔蕩

滔蕩廣大

貌也言已愁思懽懽又見水中波淫淫相隨鴻溶廣大悵然失志也

路曼曼其無端兮周

容容而無識

言已所行山澤廣遠道路悠長周流容容而無知識也

引日月呂指

極兮

極中也謂北辰星也

少須臾而釋思

釋解也言已施行正直願引日月使照我情上

指北辰新告於天冀君覺痛且解憂思須臾之間也

水波遠呂冥冥兮眇不睹其

東西順風波呂南北兮霧宵晦呂紛闇

宵夜也詩云肅肅宵征言已渡

廣水心迷不知東西霧日杳杳以西頰兮路長遠而窘迫

氣晦冥而白晝若夜也
言日已西頰年歲卒盡道路長遠
不得復還憂心迫窘無所舒志也
欲酌醴呂娛意兮

酒也詩云
為酒為醴
蹇騷騷而不釋
自娛樂心中愁思不可解

也釋

歎曰飄風蓬龍埃拂拂兮
蓬龍猶蓬轉風
貌拂拂塵埃貌
草木搖落時

槁悴兮
槁枯也悴病也言飄風轉運揚起塵埃搖動草木
木使之即時枯槁莖葉被病不得成長也以言

讒人亦運轉其言埃塵忠
直使之被病而傷形也
遭傾遇禍不可救兮長吟永

歎涕玃玃兮
玃玃不止貌也言已遭傾危之世而遇患禍
不可復救故長歎歔歔而涕滂流不可止也

舒情激詩冀呂自免兮頽流下逝身日呂遠兮

言已舒展中情

激序志意冀得脫免患禍然身頽流日遠不得還也

怨思

悲余性之不可改兮屢懲艾而不迄

言已體受忠直之性雖數為讒人所

懲艾而心終不移易也

服覺酷呂殊俗兮

覺較也詩云有覺德行酷猶明也

貌揭

揭呂巍巍

揭揭高貌也巍巍大貌也言已被服衆芳履行忠正較然威明志願高大與俗人異也

譬若王儁之乘雲兮載赤霄而凌太清

言已志意高大工切於天譬若

仙人王儁乘浮雲載赤霄上凌太清遊天庭也欲與天地參壽兮與日月而比

榮

言已脩行衆善冀若仙人王儁得道不死遂與天地同其壽命與日月比其光榮流名於後世不腐滅也

登崑崙而北首兮

首

嚮悉靈園而來謁

悉盡也靈園崑崙衆神也言已設得

道輒舉登崑崙之山北向天門衆神盡來謁見尊有德也

選鬼神於太陰兮登閭闔

於玄闕

言已乃選擇衆鬼神之中行忠正者與俱登於天門入玄闕拜天皇受勅誨也

回朕車

俾西引兮褰虹旗於玉門

褰祛也玉門山名言乃旋我之車而西行褰舉虹旗驅上

玉門之山以趨疾也馳六龍於三危兮

三危西方山也

朝四靈於九瀆

朝

也瀆水涯也言乃馳騁六龍過於三危之山召四方之神會於大海九曲之涯者也結余軫於西

山兮橫飛谷呂南征

結旋也飛谷日所行道也言乃旋我車於橫度飛泉之谷以南行也

絕都廣以直指兮

都廣野名也山海經曰都廣在西歷南其城方二百里蓋天地之中

祝融於朱冥

朱赤色也言已行乃橫絕於都廣之野遇祝融之神於朱冥之野也枉玉衡

於炎火兮

枉屈也衡車衡也

委兩館於咸唐

委曲也館舍也咸唐咸池也言已從

炎火又曲意至于咸池而再舍止宿也

貫灑濛呂東竭兮

灑濛氣也竭去也維六

龍於扶桑

言遂貫出灑濛之氣而東去繫六龍於扶桑之木也

周流覽於四海兮

志升降呂高馳

言已既周行遍於四海之外意欲上下高馳以求賢士也徵九神於

回極兮

徵召也回旋也極中也謂會北辰之星於天之中也

建虹采呂招指

虹采旗也

招指指麾也旗所呂招指語人也言已乃召九天之神使會北極之星舉虹采呂指麾四方也駕鸞鳳

日工遊兮從玄鶴與鷦朋

鷦朋 俊鳥

孔鳥飛而送迎兮騰羣

鶴於瑤光

鶴白鳥也以喻潔白之士言己乃駕乘鸞鳳明智之鳥從鶴朋羣鶴潔白之士過於瑤光

之星質已修行之要也

排帝宮與羅圍兮

羅圍 天苑

升縣圍呂眩滅

言遂

排開天帝之宮入其羅圍出升縣圍之山而望目為炫耀精明消滅心愁思也

結瓊枝呂雜佩

兮立長庚呂繼日

長庚星名也詩云西有長庚言己精明雖消滅猶結玉枝申修忠誠立長

庚之星日繼日光晝夜常行志意明也

凌驚雷呂軼駭電兮綴鬼谷於北

辰

綴係也北辰北極星也論語曰譬如北辰居其所而衆星拱之言遂凌乘驚駭之雷追逐霹靂之電呂至

於天使比辰係綴百鬼勿令害賢者也

鞭風伯使先驅兮囚靈玄於虞淵

愬高風呂徘徊兮覽周流於朔方

靈玄玄帝也虞淵日所入也淮南言日出

湯谷入於虞淵言乃鞭風伯使之掃塵因玄帝之神使無陰冥周遍流行於北方也

就顓頊而傲

詞兮考玄冥於空桑

空桑山名也玄冥太陰之神主刑殺也言乃就聖帝顓頊傲列已詞

考問玄冥之神於空桑之山何故害賢也

旋車逝於崇山兮

崇山驪兜所放山也

奏虞

舜於蒼梧

言已從崇山見驪兜以佞見放囚至蒼梧告愬聖舜已行忠直而遇斥棄冀蒙異謀也

濟楊舟於會稽兮

楊木名也詩云汎汎楊舟會稽山名

就申胥於五湖

湖

池也言已復乘楊木之輕舟就伍子胥於五湖之中問志行之見者也

見南郢之流風兮

殞余躬於沅湘

言選見楚國風俗妬害賢良故自沈於沅湘而不悔也

望舊邦之

黯黯兮

黯黯不明貌也

時溷濁猶未央

言已望見故國君闇不明羣下貪亂其化未盡

心憂愁也

懷蘭茝之芬芳兮妬被離而折之

言已懷忠信之行故為衆佞所

妬欲其被離摧折而棄之也

張絳帷呂襜褕兮風邑邑而蔽之

邑邑微弱

貌也言君張朱帷襜褕鮮明宜與賢者共處其中而政令微弱適以自蔽者也

日暎暎其西舍

兮陽炎炎而復顧

言日暎暎西行將舍入太陰之中其餘陽氣猶尚炎炎而顧欲還也呂言

已年亦老暮亦思還返故鄉也

聊假日呂須臾兮何騷騷而自故

言已思年

命欲暮願且假日遊戲須臾之間然中心愁思如故終不解也

歎曰譬彼蛟龍乘雲浮兮汎淫瀕溶紛若霧兮

言已懷德不用

譬若蛟龍潛於川澤忽然乘雲汎淫而遊紛紜若霧而乃見之也

潺湲鞞鞞雷動電發

馭高舉兮

言蛟龍升天其形潺湲若水流縱橫鞞鞞遂乘雷電而高舉也以言己亦想遭明時舉而

進升虛凌冥沛濁浮清入帝宮兮

言龍能登虛無凌清冥素濁穢入天帝之

宮言己亦想升賢君之朝斥去貪佞之人也

揚翹奮羽馳風騁雨遊無窮兮

言龍既升天奮揚翹羽馳使風雨言己亦願奮揚智謀以輔事賢君流恩百姓長無窮極也

遠逝

覽屈氏之離騷兮心哀哀而怫鬱

言己觀屈原所作離騷之經博達溫雅忠

信懇惻而懷王不寤心為之悲而怫鬱也

聲嗷嗷以寂寥兮

嗷嗷呼聲也寂寥空無人民之

貌也。顧僕夫之憔悴。言已思為屈原，故理究結嗷嗷而呼。山野寂寥，空無人民，顧視僕御，心皆

憔悴而有憂色也。撥諂諛而匡邪兮。撥治也。匡正也。切泐忍之流俗。猶切

概也。泐，忍垢濁也。言己如得進用，則治諛諛之人，正其邪偽，概貪濁之俗，使之清淨也。盪漑淜之

姦咎兮。盪，滌也。漑，淜，汙穢也。姦，亂在內為姦，咎，惡也。夷蠹蠹之溷濁。夷，滅也。蠹，無禮義

貌也。詩云：蠹爾蠻荆。言己欲盪滌諛佞汙穢之臣，以除姦惡，夷滅貪殘，無禮義之人也。懷芬香而

挾蕙兮。挾，持也。佩江蘼之菲菲，握申椒與杜若兮，冠浮雲之

峨峨。峨峨，高貌也。言己獨懷持香草，執忠貞之行，志意高厲，冠切浮雲，不得而施用也。登長陵

而四望兮，覽芷圃之蠡蠡。圃，野也。詩云：東有圃草，蠡蠡猶歷歷，行列貌也。言己登高

大之陵周而四望觀香並之圃厯厯而有行列傷人不采而佩帶也言己亦修德行義動有節度而不見進用也

遊蘭皋與蕙林兮睨玉石之慘嗟

顧視為睨玉石以喻君之門也慘嗟

不齊貌也言己放流猶喜居蘭皋蕙林芬芳之處修行清白動不離身上晚君門賢愚並進慘嗟不齊也揚

精華以眩耀兮

眩耀光貌

芳鬱渥而純美

渥厚

結桂樹之旖旎

兮

旖旎盛貌詩云旖旎其華

紉荃蕙與辛夷

言己揚耳目之精其明炫耀資質純美猶復結

桂枝索蘭蕙修善益固德行彌盛也

芳若茲而不御兮捐林薄而菀死

菀積

也言己修行衆善若此而不見用將弃驅子僑之奔走林澤菀積而死恨功不立而志不成也

驅子僑之奔走

兮

驅馳也子僑王子僑也

申徒狄之赴淵

申徒狄賢者避世不仕自投赴河也言己修行

不見進用意欲驅馳待王子儒隨之奔走以學道
真又見申徒狄避世赴河意中紛亂不知所行也
若夷

由之純美兮

夷伯夷也
由許由也

介子推之隱山

言已又有清高
之行如許由堯讓

目天下辭而不肯受伯夷叔齊讓國餓死介子推
逃晉文公之賞隱身深山忽爵位而有顯榮也

晉申

生之離殃兮荆和氏之泣血吳子胥之抉眼兮王子比

干之橫廢

皆已解
於九章

欲卑身而下體兮心隱惻而不置

言已

欲卑身下體呂順風俗心中惻
然而痛不能置中正行佞諛也

方圓殊而不合兮鈎繩

用而異態

言方與圓其性不同鈎曲繩直其態殊異
而不可合也以言忠佞異志猶鈎繩也

欲

竢時於須臾兮日陰曠其將暮

日呂喻君陰曠闇昧也
言已欲待威世明時君

又閭昧年歲已暮身將老也

時遲遲其日進兮

遲遲行貌詩云行道遲遲年忽忽

而日度

度去也言天時轉運日進遲遲而行已年忽去日日衰老也

妄周容而入世

兮內距閉而不開

言已欲妄行周比苟容自入於君心內距閉而意不開敏於忠正而愚於

讒說也

竢時風之清潔兮

風以喻政激感也

愈氛霧其如塵

塵塵也言

已欲待明君之政清潔之化以感激風俗而君愈貪濁如氛霧之氣來塵塵人也

進雄鳩之耿

耿兮讒紛紛而蔽之

耿耿小節貌言已欲如雄鳩進其耿耿小節之誠信讒人尚復分隔

蔽而障之况有鸞鳳之志當獲譖毀固其宜也

默順風呂偃仰兮

默尚由由而

進之

由由猶豫也言已欲寂默不語以順風俗隨衆俛仰而不敢毀譽然尚猶豫不肯進也

心慙

恨且寃結兮

憤恨失志貌也

情舛錯且曼憂

言已欲隨從風俗尚不肯進意中憤

恨心為寃結情意舛錯而長憂苦也

寧薜荔於山野兮采樵枝於中州

樵枝

香草也言已雖憂愁猶采取香草以自約束修善不怠也

望高丘而歎涕兮悲吸吸

而長懷

言已遙望楚國而不得歸心為悲歎涕出長思也

孰契契而委棟兮

契契

憂貌也詩云契契寤歎

日晻晻而下顏

言誰有契契憂國念君欲委其梁棟之謀若已者乎

然日頽暮傷不得行也

歎曰油油江湘長流汨兮

油油流貌也詩云河水油油言已見江湘之水油油長流

將歸於海自傷放流獨無所歸也

挑揄揚波盪迅疾兮

言水尚得順其經脉揚蕩其波

使之迅疾自傷不得順其天性揚其志意常屈伏也憂心展轉愁悒兮展轉不

云展轉反側言已放棄不得端其忠誠心中愁悶展轉悒鬱不能寐也寃結未舒長隱怨

兮言已抱守寃結長隱山野心中忿恨無已時也丁時逢殃孰可奈何兮丁當

己之生唯當逢遇殃咎安可奈何自悶而已勞心悒悒涕滂沱兮言已欲竭

不見省但勞我心令我悒悒滂沱悲涕而橫流也

惜賢

悲余心之悒悒兮哀故邦之逢殃言已所以悲哀心中悒悒者哀念楚國信

用說佞將達殃咎也辭九年而不復兮獨斃斃而南行斃斃獨貌也言已與

君辭訣而出至今九牛不肯
反已常獨斃斃南行度江也
思余俗之流風兮風心紛

錯而不受

紛錯憤亂也言已念我楚國風俗餘化
好行讒佞心為憤亂不能受其邪偽也
遵整

莽且呼風兮

莽林

步從容於山藪

藪隈也言已猶山野之
中且呼風俗之人欲語

以忠正之道故徐步
山隈遊戲以須之也

巡陸夷之曲衍兮

大阜曰陸夷
平也衍澤也
幽

空虛以寂寞

言已巡行陸陸經歷曲澤之中
空虛杳冥寂寞無有人聲也

倚石巖且

流涕兮憂憔悴而無樂

言已依倚巖石之山悲而涕
流中心憔悴無歡樂之時也
登

嶺岿且長企兮

嶺岿銳山也企立
貌詩云企予望之

望南邦而闕之

闕視也言

已乃登高銳之山立而長望
顧見南邦楚邦悲且思之也

山修遠其遼遼兮

遼遼遠貌
塗

漫漫其無時

塗道也言已遙視楚國山林長遠連遠難見道路漫漫誠無時至也

聽玄鶴

之晨鳴兮于高岡之岷岷

玄鶴俊鳥也君有德則來無德則去若鸞鳳矣故師曠鼓

琴天下玄鶴皆銜明月之珠呂舞也言已聽玄鶴振音晨鳴乃於高岡之上岷岷之頭見有德之君乃來下也

以言賢者亦宜自安處以須明君禮敬已然後仕也獨憤積而哀娛兮翔江洲而

安歌

言已在山澤之中思慮憤積一哀一樂故遊江水之中洲安意歌吟自寬慰也

三鳥飛飛

以自南兮覽其志而欲北

言已在於湖澤之中見三鳥飛從南來觀察其志欲北渡

江縱恣自在也自傷不得北歸曾不若飛鳥也願寄言於三鳥兮去飄疾而不

可得

言已既不得北歸願因三鳥飛寄善言以遺其君去又急疾而不可得心為結恨也欲遷志

而改操兮心紛結而未離

言已欲從意改操隨俗佞偽中心亂結未能離於忠信也

外彷徨而遊覽兮內惻隱而含哀

言已外雖彷徨於山野之中以遊戲隨俗佞

偽然心中常惻隱含悲而念君心亂結而憂哀者也

聊須臾以時忘兮心漸漸

其煩錯

言已且欲須臾以忘憂思中心漸漸錯亂意不能已也

願假簧以舒憂兮

笙中有舌曰簧詩云吹笙鼓簧

志紆鬱其難釋

紆屈也鬱愁也言已欲假笙簧吹以舒憂意中

紆鬱誠難解釋也

歎離騷以揚意兮猶未殫於九章

殫盡也言已憂愁不

解乃歎嗷離騷之經以揚己志尚未盡九章之篇而愁思悲結也

長噓吸以於悒兮

噓吸

於悒皆啼泣貌也

涕橫集而成行

言已嗷歎九章未盡自知言不見省用故長呼吸而啼涕

下交集自
閱傷也

傷明珠之赴泥兮魚眼璣之堅藏

言忠良弃
捐說佞珍

用也同駕羸與乘馭兮

馬母驢父生子
曰羸馭馭馬也

雜斑駁與闡茸

班駁

雜色也闡茸駕頓也言己君不明志斥逐忠良而任用
佞諛委棄明珠而貴魚眼乘駁羸雜駁馬重斑駁喜闡

茸心迷意惑
終不悟也

葛藟藟於桂樹分

葛藟荒也藟緣也
詩云葛藟藟之

鴟鴞

集於木蘭

鴟鴞鴟鴞貪鳥也言葛藟惡草乃緣於桂樹
鴟鴞貪鳥而集於木蘭以言小人進在顯位

貪佞升為
公御者也

僇促談於廊廟兮

僇促拘
愚之貌

律魁放乎山間

律法

也魁大也言拘愚蔽闇之人反談論廊廟之中
明於大法賢智之士棄在山間而不見用也

惡虞氏

之簫韶兮好遺風之激楚

言世人愚惑惡虞舜簫韶之
樂反好俗人淫泆激楚之音

也猶言惡典謨中正之
言而好語訣之說也
潛周鼎於江淮兮爨土鶩於中

宇

爨炊竈也詩云執爨踏踏鶩釜也詩云流之釜鶩言
乃藏九鼎於江淮之中反炊土釜於堂宇之上猶言

棄賢智近
愚頑者也
且人心之有舊兮而不可保長
言賢人君子其心所志自

有舊故執守信義不
可長保而行之也
遭彼南道兮以征夫宵行
言已放

江南之道晨夜
而行身勤苦也
思念郢路兮還顧瞻涕流交集兮泣

下漣漣
漣漣流貌也詩云泣涕漣漣言已思念楚郢之
路冀得復歸還顧眄視心中悲感涕泣交會漣

漣而
流也

歎曰登山長望中心悲兮

言已登於高山長望楚國則心中悲思而結毒也
菟

彼青青泣如頰兮

苑威貌也詩云有苑者初言已觀彼山澤草木莫不茂威青青而生已獨

放棄身將萎枯故自傷悲涕泣俱下也

留思北顧涕漸兮

言已所以留精思常北顧

而視郢都想見鄉邑思念君也故涕漸漸而下也

折銳摧矜凝汜濫兮

摧挫也矜嚴也

凝止也汜濫猶沈浮也言已欲折我精銳之志挫我矜嚴忠直之心止與俗人更相沈浮而意不能也

念

我斃斃魂誰求兮

言已自念斃斃東西魂魄惶遽而求忠直之士欲與事君亦誰乎此不能

沈浮之道也僕夫惶悴散若流兮

惶亡也言已欲求賢人而未遭遇僕御之人感懷愁

悴欲散亡而去若水之流不可復還也

憂苦

昔皇考之嘉志兮喜登能而亮賢

言昔我美父伯庸體有嘉善之德喜升進

賢能信愛仁知以為行也

情純潔而固歲兮姿盛質而無愆

言已受先人美

烈情性純厚志意潔白身無瑕穢姿質茂盛行無過失也

故佞人與諂諛兮斥讒夫

與便嬖

便利也嬖愛也以言君如使已為政則放遠巧佞諂諛之人斥逐讒夫與便利嬖愛之臣而去

之親忠正之悃誠兮

悃厚也

招貞良與明智

言已如得秉執國政則使

君親任忠正之士招致幽隱明智之人令典衆職也

心溶溶其不可量兮

溶溶廣大貌

情澹澹其若淵

澹澹不動貌也言已之心智謀溶溶廣大如川不可度量情意深奧澹澹若淵

不可回邪辟而不能入兮誠願藏而不可遷

言已執志淵靜回邪

之言淫辟之人不能自入於己誠願
執藏此行以承事君心終不移也
逐下秩於後堂兮

下秩謂
妾御也
迎宓妃於伊雒
宓妃神女蓋伊雒水之精也言
願令君推逐妾御出之勿令

亂政迎宓妃賢女於伊雒
之水以配於君則化行也
荆讒賊於中窟兮
荆去也中窟堂中央

也
選呂管於榛薄
呂尚也管管仲也言己欲為君斫
去讒賊之臣於堂窟之中選進呂尚

管仲之徒以為輔
佐則邦國安寧也
叢林之下無怨士兮
江河之畔無隱

夫
畔界也言己欲舉士必先於叢林側陋之中使無怨
恨令江河之界無隱伏之夫賢人盡升道可興也

三苗之徒以放逐兮
三苗堯之佞臣也高
書曰窳三苗於三危
伊臯之倫以

充廬
伊伊尹也臯臯陶也充滿也言放逐佞諛之徒若
三苗者置之四裔進用伊尹臯陶之徒使滿闔廬

則讒邪道塞者也
今反表以為裏兮顛裳以為衣顛倒也言今世之君迷惑

讒佞反表以為裏倒裳以為衣而不能知也
戚宋萬於兩楹兮宋萬宋閔公之臣也與閔

公博爭道以手搏之絕其脰戚親也楹柱也兩楹之間戶牖之前尊者所處也
廢周邵於遐夷

不用曰廢周周公旦也邵邵公奭也遐遠也言君反親愛篡逆之臣若宋萬者置於兩楹之間與謀政事廢弃

仁賢若周公邵公者放於遠夷之外而不近也
却騏驥以轉運兮却退也騰驢

羸以馳逐騰乘也言退却騏驥以轉物徙重車乘駕頓驢羸反以奔走馳逐急疾失其性也以言役

使賢者令之負擗進用頑愚以任政職亦失其志也
蔡女黜而出帷兮蔡女蔡國賢女也黜

貶戎婦入而綵繡服戎戎狄也言蔡女美好反見貶黜而去離帷幄戎狄醜婦反入椒房

被五綵繡衣
夫人之服也

慶忌囚於阱室兮

慶忌吳之公子勇
而有力阱深陷也

陳不

占戰而赴圍

陳不占齊臣有義而怯聞其君戰將赴之
飯則失匕與則失軾既至聞鍾鼓之聲因

怖而死言乃囚勇猛之士若吳慶忌於阱陷之中使陳
不占赴圍而戰軍必敗也以言君用臣顛倒失其人也

破伯牙之號鍾兮

號鍾

琴名挾人箏而彈緯

挾持也箏小琴
也緯張絃也言

乃破伯牙號鍾所鼓之鳴琴反持凡人小箏急張其弦
而彈之也以言世憎惡大賢之言親信小人之語也

藏璠石於金匱兮

璠石次玉
者匱匣也

捐赤瑾於中庭

赤瑾美玉
也言乃藏

珉石置於金匱反弃美玉於中庭言不知別於
善惡也言人而不別玉石則不知忠佞之分也韓信蒙

於介冑兮

韓信漢名將也介
鎧也冑兜鍪也

行夫將而攻城

言漢使韓
信猛將破

鎡甕登守於屯陣藏其知謀令在行伍怯夫反為將軍而攻城必失利而無功也 莞芎棄於澤

洲兮

莞符籬也芎芎窮也皆香草也

飽蠶蠹於筐篋

飽飶也蠶蠹也方為筐圓為篋言棄

符籬芎窮於草澤之中藏枯匏之瓢置於筐篋令之腐蠹言愛小人憎君子也 麒麟奔於九臯

兮

麒麟仁獸也君有德則至無德則去也

熊羆羣而逸囿

熊羆猛獸以喻貪殘也囿苑也

言麒麟奔竄於九臯之中熊羆逸踊於君之苑也以言斥遠仁德之士而養貪殘之人也 折芳枝與

瑒華兮樹枳棘與薪柴

小粟為棘枯枝為柴

掘荃蕙與射干兮

射干

香 耘藜藿與藁荷

耘耨耔也詩云千耦其耘藜藿藁荷藁也藁豆葉也言折棄芳草及與玉華

列種採棘掘拔射干而耨耘藜藁藁失其所珍也以言賤棄君子而有養小人也 惜今世其何殊

兮遠近思而不同

言己哀惜今世之人賢愚異性其思慮或遠或近智謀不同也

或沉

淪其無所達兮

淪沒

或清激其無所通

清明也激感也言或有耳目沈沒無

所照見或有欲感激行於清明亦復不能通達分別其底否者也

哀余生之不當兮獨

蒙毒而逢尤

言哀我之生不當照明之世舉賢之時獨蒙苦毒而遇臯過也

雖蹇蹇以

申志兮君乖差而屏之

言己雖竭忠蹇蹇以重達其志君心乃乖差而不與我同故遂

屏弃而不用也

誠惜芳之菲菲兮反以茲為腐也

腐臭也言已自惜被

服芳香菲菲而感君反以此為腐臭不可用也

懷椒聊之藹藹兮

在袖曰懷椒聊香草也詩

曰椒聊且藹藹香貌乃逢紛以罹詬

言己懷持椒聊其香藹藹循行清潔動有節度而逢亂世

遂為讒佞所害
而見取辱也

歎曰嘉皇既歿終不返兮

嘉美也皇君也以言懷王不用我謀以歿於秦遂死而不

歸終無遺命使已得還也

山中幽險郢路遠兮

言已被放在此山中深險之地去我郢道

甚遠而讒人譏譏孰可愬兮

讒譏言貌也尚書曰讒遠也

讒靖言言讒人讒譏承順

於君不可告以忠直之意也

征夫罔極誰可語兮

言已放逐遠行憂愁無極衆皆佞諛

不可與語忠信也

行嗌累歎聲喟喟兮

歎歎貌喟歎聲也

懷憂含戚何

侘傺兮

言已常歌嗌增歎累息懷憂含戚悵然侘傺而失意也

愍命

冥冥深林兮樹木鬱鬱山參差以嶮巖兮阜杳杳以蔽

日

言已放在草野處於深林冥冥之中山阜高峻樹木蔽日望之無人但見鳥獸也

悲余心之

惘惘兮目眇眇而遺泣

遺墮也言已居於山林心中愁思目視眇眇而泣下墮也

風

騷屑以搖木兮

騷屑風聲也

雲吸吸以湫戾

吸吸雲動貌也湫戾猶卷戾也

言已心既憂悲又見疾風動搖草木其聲騷屑浮雲吸吸卷戾而相隨重愁思也

悲余生之無

歡兮愁倥傯於山陸

倥傯猶困苦也言悲念我之生遭遇亂世心無歡樂之時身常困苦

於山陸之中也

旦徘徊於長阪兮夕彷徨而獨宿

言已旦起徘徊行於長阪

之上夕暮獨宿山谷之間憂且懼也髮披披以鬢鬢兮

披披鬢鬢髮解亂貌

躬劬勞

而瘠悴

劬亦勞也詩云劬勞于野瘠病也詩云我馬瘠矣言已履涉風霜頭髮解亂而身罷病也魂

怔怔而南行兮

怔怔惶遽之貌

泣霑襟而濡袂

袂袖也言已中心憂戚用志不

安魂魄怔怔惶遽南行悲感發涕泣交下霑衣襟也

心嬋媛而無告兮口噤閉

而不言

閉口為噤也言已愁思心中牽引而痛無所告語閉我之口不知所言衆皆佞偽無可與謀也

違郢都之舊閭兮

閭里

回湘沅而遠遷

言已放逐去我郢都故閭回於湘沅

之水而遠移徙失其所之也

念余邦之橫陷兮宗鬼神之無次

同姓為宗

次第也言我思念楚國任用讒佞將橫陷危殆己之宗族先祖鬼神失其次第而不見祀也

閔先嗣

之中絕兮

嗣繼

心惶惑而自悲

言已傷念先祖乃從屈瑕建立基功于孫世世承而

繼之至于己身而當中絕
心為惶惑內自悲哀也

聊浮遊於山陘兮

陘山側也

步周

流於江畔

畔

臨深水而長嘯兮且倘佯而汜觀

汜博也言已憂

愁不能寧處出升山側遊戲博觀
臨水長嘯思念楚國而無解已也

興離騷之微文兮

冀修之壹悟還余車於南郢兮復往軌於初古

軌車轍也中庸

曰車同軌言已雖見放逐猶興離騷之文以諷諫其君
冀其心一寤有命還已已復得乘車周行楚國修古始
之轍道修遠其難遷兮傷余心之不能已
言已後或歸郢其路長遠

誠難遷徙然我心中
想念於君不能已也

背三五之典刑兮

典常刑法

絕洪範之

辟紀

洪範尚書篇名箕子所為武王陳五行之道也言
君施行背三皇五帝之常典絕去洪範之法紀任

意妄為故失道也播規槩以背度兮播葉錯權衡而任意錯置也

所以銓物輕重也言君棄先王之法度而不奉循猶置衡稱不以量物更任其意而商輕重必失道違人情也

操繩墨而放棄兮傾容幸而侍側側旁也言賢者執持法度而見放棄傾頭

容身讒諛之人反得親近侍於旁側也甘棠枯於豐草兮甘棠杜也詩云蔽芾甘棠

棘樹於中庭堂下謂之庭言甘棠香美之木枯於草中而不見御反種蒺藜棘刺之木滿於中庭

以言遠仁賢近讒賊也西施斥於北宮兮仇惟倚於彌楹西施美女也仇

惟醜女也彌猶徧也楹柱也言西施美好棄於後宮不見進御仇惟醜女反倚立徧兩楹之間侍左右也烏

獲戚而駢乘兮燕公操於馬園烏獲多力士也燕公即公也封於燕故曰燕公

也養馬曰圉言與多力烏獲同車駉乘
令仁賢邵公執使養馬失其宜者也
荆賸登於清府

兮咎繇棄於桎外

荆賸衛靈公太子也不順其親欲害
其後母清府猶清廟也言使荆賸無

義之人登於清廟而執綱紀放弁聖
人咎繇於外野政必亂身危殆也

蓋見茲以永歎兮

欲登階而狐疑

言已見君親愛惡人斥逐忠良誠欲進
身登階竭盡謀慮意中狐疑恐遇患害

也棄白水而高騫兮因徙死而長詞

言已恐登階被害
欲乘白水高馳而

遠遊遂清潔之志因
徙死却退而長訣也

歎曰倘佯壚阪沼水深兮

倘佯山名也壚黃黑色土也
沼池也詩云王在靈沼言倘

佯之山其阪土玄黃其下有池水
深而且清宜以避世而長隱身也
容與漢渚涕淫淫兮

漢水名也尚書曰婚冢導漢東流為漢又言已將欲避世遊戲漢水之岸心中哀悲不能去涕流淫淫也

牙已死誰為聲兮

鍾鍾子期牙伯牙也言二子曉音今皆已死無知音者誰為作善聲也以

言君不曉忠信亦不可為竭謀盡誠也

織阿不遇焉舒情兮

織阿古善御者言織阿不

執轡而御則馬不為盡其力言君不任賢者賢者亦不盡其節

曾哀悽歎心離離兮

離離

剝裂貌 還顧高丘泣如灑兮

言已不遭明君無御用者重自哀傷悽愴果息心為剝裂

顧視楚國悲感泣下如以水灑地也

思古

楚辭章句卷十六

欽定四庫全書

楚辭章句卷十七

漢 王逸 撰

九思章句第十七

逢尤

怨上

疾世

憫上

遭厄

悼亂

傷時

哀歲

守志

九思者王逸之所作也自屈原終沒之後忠臣介士遊覽學者讀離騷九章之文莫不愴然心為悲感高其節行妙其麗雅至劉向王褒之徒咸嘉其義作賦騁辭以

讚其志則皆列於譜錄世世相傳逸與屈原同土共國
悼傷之情與凡有異竊慕向襄之風作頌一篇號曰九

思以禪其辭未有解說故聊訓誼焉辭曰

悲兮愁哀兮憂

傷不遇也

天生我兮當闇時

君不明也

被詠譖兮

虛獲尤

為佞人所傷害也詠毀尤過也

心煩憤兮意無聊

愁君迷蔽忿茲興也憤亂

也聊樂也

嚴載駕兮出戲遊

將以釋憂憤也

周八極兮歷九州

求賢君也

求軒轅兮索重華

親遇如黃帝堯舜之聖明者也

世既卓兮遠眇眇

去前

聖遠然不可得也卓遠也

握佩玖兮中路躇

懷實不舒悵仿徨也

羨皋繇兮建

典謨樂古賢臣懿風后兮受瑞圖懿深也屈原之喻也風后皇帝師受天瑞

也者愍余命兮遭六極委玉質兮於泥塗且放逐汗辱若陷泥塗中也

遽偉遑兮驅林澤步屏營兮行丘阿憂憤不知所為徒經營奔走也車

軌折兮馬虺頽駢聘不能寧定車樊而馬病也惓悵立兮涕滂沱憂悴而涕

也流也思丁文兮聖明哲丁當也文文王也心志不明願遇文王時也哀平差兮

迷謬愚平楚平王差吳王夫差也平王殺忠臣伍奢奢子員仕吳以破楚夫差不用于胥而為越所滅

也呂傅舉兮殷周興呂呂望傅傳說兩賢舉用而三代以興盛也忌妬專兮

郢吳虛忌楚大夫費無忌妬吳大夫宰嚭虛空也忌妬佞偽惑其君而敗二國空虛郢楚都也仰

長歎兮氣餉結

仰將訴天餉結也

悒殛絕兮活復蘇

憤忿絕徐乃蘇也

虎兕爭兮於廷中

廷朝廷也虎兕惡獸以喻姦臣

豺狼鬪兮我之隅

隅旁

也言衆佞辨爭常在我傍也

雲霧會兮日冥晦

衆偽蔽君如雲霧之隱日使不可得見也

飄風起兮揚塵埃

回風為飄以喻小人造設姦偽賊害仁賢為君垢穢如回風之起塵埃也

走營堂兮作東西

動觸詣毀東西趣走

欲竄伏兮其馬如

無所逃難念

靈閨兮與重深

靈謂懷王閨閣也言欲訴論輒為羣邪所逆不能得通達

輒願竭節

兮隔無由望舊邦兮路委隨

委隨迂遠也近而障隔則與迂遠同也

憂心

悄兮志勤劬

悄猶慘也劬勞也

魂竄竄兮不遑寐目眩眩兮寤

終朝

眩眩視貌也終朝自旦及夕言通夜不能瞑也

逢尤

令尹兮謇謇

令尹楚官掌政者也謇不聽語言而妄語也

羣司兮讓讓

羣司衆僚

讓讓猶德德也言皆競於佞也

哀哉兮溷溷

溷溷一國並亂也

上下兮同流

君臣

俱愚意無別也

菽藟兮蔓衍

菽藟小草也蔓衍廣延也

芳藟兮挫枯

藟香草名也挫

枯棄不用也

朱紫兮雜亂

君不識賢使紫奪朱世無別知之者

倚

此兮巖穴

退適也

永思兮窈悠

長守忠信念無遠而達悠達也

嗟懷兮眩

惑

懷懷王也為衆佞所欺炫目盡迷替

用志兮不昭

獨行忠信無明已者

將喪兮玉

斗遺失兮鈕樞

鈕樞所以校玉斗玉斗既喪將失其鈕樞言放賢者遂去之也

我心兮

煎熬惟是兮用憂

熬亦煎也憂無已也

集慕兮九旬

紂為長夜之餒而不聽政

退顧兮彭務

彭彭成務務光皆古介士取受汙辱自投於水而死也

擬斯兮二蹤

擬則也蹤跡也言願效此二賢之迹亦當自沈

未知兮所投謠吟兮中櫟

未得所死

且仿上察兮璇璣大火兮西睨攝提兮運低

璇璣天中故先察之

大火西流攝提運下夜分之候愁思不寐起視星辰以解戚者也

雷霆兮硠礚

雷聲

兮霏霏

霏霏集貌

奔電兮光晃涼風兮愴悽

獨處愁思不寐見電涼風之

至益憂多也

鳥獸兮驚駭相從兮宿棲

言鳥獸驚惶尚相從就傷已單獨心用悲

也 鴛鴦兮嗷嗷 和鳴也 狐狸兮徹徹 相隨也 哀吾兮介特 介持

也 獨處兮罔依 罔無也 螻蛄兮鳴東 蝻戴兮號西 戴綠兮

我裳 蠟入兮我懷 蟲豸兮夾余 惆悵兮自悲 言已獨處山野與衆

蟲為伍心悲感也 佇立兮怵怛 佇心 結縉兮折摧

怨上

周徘徊兮漢渚 言居山中愁憤復之漢水之涯庶欲以釋思念也 求水神兮靈

女 冀得水中神女以慰思念 嗟此國兮無良 此國楚國也言君臣無善皆凶惡也 謀女

訕兮諛護 諛護不正貌 鷓雀列兮謹謹 鷓雀小鳥以喻小人在位患

失之競為伎
鵙鵙鳴兮聒余
鵙鵙雀類也
多聲亂耳為聒
抱昭華兮

寶璋

昭華玉名

欲銜驚兮莫收

行責曰銜驚責也言已竭忠
信以事君而不見用猶抱此

昭華寶璋銜責之璋玉名

言逝邁兮北徂

已不見用
欲遠去也

叫我友兮配耦

叫急叫也言此國無良人庶
北行遇賢友而以自耦也

日陰曠兮未光

北方多陰
聞賄

霓兮靡睹

聞窺也賄霓幽冥也

紛載驅兮高馳

適北無所遇
故欲馳而去

將諮

詢兮皇義

義伏義伏義稱皇也
問詢謀所以安已也

遵河臯兮周流路變

易兮時乖

所志不遇無
所用其志也

瀉滄海兮東遊沐盥浴兮天池

天池則滄海也

訪太昊兮道要

太昊東方青帝也
將問天道之要務

云靡貴兮仁

義太昊答惟仁義為上志欣樂兮反征就周文兮邠岐聞惟仁義故欣喜復

之西方就文王也邠岐周本國秉玉英兮結誓願與文王約信以玉英為誓帶也日欲

暮兮心悲日暮而歲邁年將老悲不見進用也惟天祿兮不再福不再至年歲一過

則終也背我信兮自違若背忠信以趨時俗則違本心故不忍為踰隴堆兮渡

漠隴堆山名漢沙漠也一云漢漢水也過桂車兮合黎桂車合黎皆西方山之名赴崑

山兮馬駮崑山崑崙也言渡隴堆適桂車合黎乃至崑崙取駮馬而絆之駮駮馬名從邛遨

兮棲遲邛獸名遨遊也馬駮從邛而棲遲顧望也吮玉液兮止渴齧芝華兮

療饑玉液瓊藥之精氣芝神草渴也居峿廊兮斟疇峿廊空河

而無人也 眇少也 疇匹也 言獨行而抱影也 遠梁昌兮幾迷 梁昌陷據失所也 迷惑欲還也

望江漢兮濩諾

濩諾大貌也 還見江漢水大也

心緊綦兮傷懷

緊綦糾繆也 望

舊土而心感傷也

時朏朏兮且旦

日月始出光明未盛為朏

塵漠漠兮未晞

漠漠合也 晞消也 朝陽未開霧氣尚盛也

憂不暇兮寢食吒增歎兮如雷

疾世

哀世兮睺睺

睺睺視貌 賢人不小人持勢也

譏譏兮嗑嗑

譏譏竊言 嗑嗑容貌之聲 衆

多兮阿媚

阿曲 翫靡兮成俗

委靡而柔也 貪枉兮黨此 貞良兮竒獨

詩云 獨行 兂兂

鵠竄兮枳棘 鷓集兮帷幄

木帳曰帷 言大人在尊位也

薊紫兮青葱

薊紫草名青葱見養有光色也

稟本兮萎落

稟本香草也喻賢愚

所覩斯兮偽惑

易所惑

心為兮隔錯

隔錯失其性也

逡巡兮圍藪

藪林

曰率彼兮吟陌

田間道曰吟陌隄分界也

川谷兮淵淵

深貌

山阜兮砢

砢

砢砢長而多有貌也

叢林兮嶮嶮

嶮嶮象貌

林榛兮岳岳

岳岳木植也

霜雪兮淮澶

積聚貌

冰凍兮洛澤

洛竭也寒而水澤竭成冰

東西兮南

北罔所兮歸薄

言四方皆無所停止也

庇廕兮枯樹匍匐兮巖石

穴可居者

踉跄兮寒局數獨處兮志不申

踉跄僂也

年齒盡兮命

迫促魁纍擠推兮常困辱

魁纍迫也擠推折屈也

含憂強老兮愁

無樂

曰愁早老強也

鬚髮蔓頰兮顛鬢白

蔓亂也顛雜白也

思靈澤兮

一膏沐

靈澤天之膏潤也益喻德政也

懷蘭英兮把瓊若

英華瓊若食也

待天

明兮立躑躅

言懷蘭把若無所施之欲待明君未知其時故屏營躑躅

雲濛濛兮雷

儵爍

儵爍疾也闇多而明少也

孤鷄驚兮鳴响响思怫鬱兮肝切剥

忽惛悒兮孰訴告

憫上

悼屈子兮遭厄

子男子之通稱也

沈玉躬兮湘汨

賢者質美故以此玉湘汨

皆水名

何楚國兮難化

言楚國君臣之亂不可曉喻也

迄乎今兮不易

政教

荒阻不可變也

士莫志兮羔裘

言政穢則士貪鄙無有素絲之志皎潔之行也競佞諛

兮讒閱閱

閱閱不相聽

指正義兮為曲訛璧玉兮為石鷓鴣

遊兮華屋鷄鷄棲兮柴蔟起奮迅兮奔走違羣小兮謏

詢

讓耻辱垢陋之言也

載青雲兮上昇適昭明兮所處

終無所舒情故欲乘

雲昇就日處矣昭明日暉

躡天衢兮長驅踵九陽兮戲蕩

衢路也九陽日出處

越雲漢兮南濟秣余馬兮河鼓

河鼓牽牛別名

霄霓紛兮晻翳

參辰回兮顛倒

參辰皆宿名夜分而易次故顛倒失路也

逢流星兮問路顧

指我兮從左

流星發所從也

徑歎背兮直馳御者迷兮失軌遂

踴達兮邪造

流星雖甚猶不得道踴達誤過也

與日月兮殊道志闕絕

兮安如

志望已訖不知所之

哀所求兮不耦攀天階兮下視見駢

郢兮舊宇

駢郢楚都也言上天所求不得意欲還下視見舊居也

意逍遙兮欲歸

衆穢盛兮杳杳

衆穢喻佞人言將復害已

思哽饑兮詰訕涕流瀾兮

如雨

還為衆偽所害故悲泣也

遭厄

嗟嗟兮悲夫

傷時昏惑

殺亂兮紛拏

君任佞巧競疾忠信交亂紛拏也

茅絲

兮同縲

不別好惡

冠履兮共絢

上下無別

督萬兮侍宴

華督宋萬二人宋大

夫皆弑其君者也

周邵兮負芻

周公召公言楚君使忠賢如周召者負芻反以督萬之人侍宴

白龍兮見射靈龜兮執拘

白龍川神靈龜天瑞

仲尼兮困厄

仲尼聖人

而厄於陳蔡也

鄒衍兮幽囚

鄒衍賢人而為佞邪所攝齊遂執之

伊余兮念茲

惟伊

也茲此也

奔遁兮隱居

欲避世也

將升兮高山上兮猴猿欲入

兮深谷下有兮虺蛇左見兮鳴鵙右睹兮呼臬

臬伯勞也山有

猴猿谷有虺蛇左右衆鳥聞無人民所以慈懼也

惶悸兮失氣

悸懼也失氣

踴

躍兮距跳

以泄憤懣也

便旋兮中原仰天兮增歎管蒯兮墜

莽藿葦兮千眼鹿蹊兮躑躑貉兮蟬蟬

蟬蟬相隨之貌鷓鴣

兮軒軒

軒軒將止之貌

鶉鷓兮甄甄

甄甄鳥飛貌

哀我兮寡獨靡有

兮匹倫

齊偶

意欲兮沈吟迫日兮黃昏

意且欲遲望又促暮當棲宿也

玄

鶴兮高飛增逝兮青冥

青冥大清

鷓鷓兮喈喈

鷓鷓鷓鷓黃也和喈喈鳴之

山鵲兮嚶嚶

嚶嚶鳴之清也

鴻鷓兮振翅

雁之大者曰鴻鷓鷓也振翅將飛也

歸鴈兮于征

征行也言將去

吾志兮覺悟懷我兮聖京垂旻兮

將起跼埃兮須明

悼亂

惟昊天兮昭靈

昊天夏天也昭明也靈神也

陽氣發兮清明習習

兮辭煖百草萌兮華榮莖荼茂兮敷疏

莖荼苦菜也

兮藿芷彫

兮瑩螟

藿杜藿芷若芷皆香草

愍貞良兮遇害將天折兮碎糜時

混混兮澆鑽

鑽餐也混混濁也言如洗鑽之亂也

哀當世兮莫知覽往昔

兮俊彥亦詘辱兮係纍管束縛兮桎梏百貿易兮傳賣

遭桓繆兮識舉

管仲百里奚也管仲為魯所囚齊桓釋而任之百里奚為晉從後秦繆以

五羖之皮贖之為相也

才德用兮列施且從容兮自慰

以古賢者皆然緩己

憂也玩琴書兮遊戲迫中國兮詐隱

無所用志故云詐隱

吾欲之兮

九夷

子欲居九夷疾時之言也

超五嶺兮嵯峨

超越也將之九夷先歷五嶺之山言艱難

也觀浮石兮崔嵬

東海有浮石之山崔嵬山形也

陟丹山兮炎野

復之南方

丹山炎野皆在南方

屯余車兮黃支就祝融兮稽疑

黃支南極國也祝融赤帝

之神稽合所以折謀求安己之處也

嘉己行兮無為

嘉善也言祝融善己之處

乃回謁

兮北逝

復旋至北方也

遇神媯兮宴娛

媯北方之神名也言遇神宴而待之也

欲

靜居兮自娛

言己遇神而宴樂亦欲安居自娛也

心愁感兮不能放余轡

兮策駟

復欲去也

忽風騰兮雲浮蹶飛杭兮越海從安期兮蓬

萊

蓬萊海中山名也安期生仙人名也言欲往求仙也

緣天梯兮北上登太一兮

玉臺使素女兮鼓簧

太一天帝所在以玉為臺也

乘戈馘兮謳謠

乘戈

仙人也和素女而歌也

聲噉訛兮清和噉訛清暢貌

音晏衍兮要嫋要嫋

舞容也咸欣欣兮酣樂余眷兮獨悲

言天神衆舞皆喜樂獨已懷悲哀也顧

章華兮太息章華楚臺名也太息憂意也

志戀戀兮依依

傷時

昊天兮清涼秋天為昊天秋節至故清且涼也

玄氣兮高朗秋冬陽氣升故高朗

也北風兮潦烈寒節至也草木兮蒼唐始凋也

蚍蚃兮噍噍寒促

將蟄故蚍蚃兮穰穰將變貌歲忽忽兮惟暮暮水余感時兮

悽愴感時以悲思也傷俗兮泥濁矇蔽兮不章寶彼兮沙礫捐

此兮夜光

夜光明珠也

椒瑛兮湟汗莫耳兮充房

莫耳惡草名也充房

侍近君也

攝衣兮緩帶操我兮墨陽

墨陽劍名

昇車兮命僕將馳

兮四荒

四裔謂之四荒

下堂兮見薑

薑土蠶也喻佞人欲害賢如薑之有蠶毒

出門

兮觸蠹巷有兮蚰蜒邑多兮螳螂賭斯兮嫉賊心為兮

切傷俛念兮子胥仰憐兮比干投劍兮脫冕龍屈兮蜿

蟻

蜿蟻自迫促貌

潛藏兮山澤匍匐兮叢攢

叢攢羅布也

窺見兮溪

澗流水兮法法

法法沸流

鼃鼃兮欣欣鱸鮓兮延延羣行兮

上下駢羅兮列陳自恨兮無友特處兮鞞鞞

獨行貌

冬夜

分陶陶

長貌

雨雪兮冥冥神光兮頽頽鬼火兮熒熒

神光山川

之精能為光者也熒熒小火也

修德兮困控

將誰困控言無引己也

愁不聊兮遑

生

遭

憂紆兮鬱鬱惡所兮寫情

哀歲

陟玉巒兮逍遙

玉巒崑崙山也山脊曰巒逍遙須臾也

覽高岡兮峽峽

山嶺

曰岡峽峽特高也

桂樹列兮紛敷

崑崙山名桂樹紛錯敷行

吐紫華兮布條

桂華紫色布數條枝

實孔鸞兮所居

孔鸞大鳥

今其集兮惟鴟

鴟小鳥也以言

名山宜神鳥處之猶朝廷宜賢者居位而今惟小人故云鴟萃之也

烏鵲驚兮啞啞

神鳥至則

衆鳥集從今反鷓往
處之故驚而鳴也
余顧瞻兮怊怊
怊怊四遠貌
彼日月兮

闇昧

日月無光雲霧之所蔽人君昏亂佞邪之所惑

障覆天兮祲氛

祲惡氣貌

伊我

后兮不聰

后君

馬陳誠兮効忠
攄羽翮兮超俗

無所効其忠誠故觀

飛而去也

遊陶遨兮養神

陶遊心無所繫

乘六蛟兮蜿蟺

蜿蟺羣蛟之形也龍

無角曰蛟

遂馳騁兮陞雲揚彗光兮為旗秉電策兮為鞭
復欲

升天求人

朝晨發兮馭郢

郢楚都也

食時至今增泉

增泉漢天繞

曲阿兮北次

次舍

造我車兮南端

復適南方也

謁玄黃兮納贄

玄黃中央之帝也

宗忠貞兮彌堅

雖遙蕩天際之間不失其忠誠也

歷九宮兮

徧觀

九宮天之宮也

睹祕藏兮寶珍就傳說兮騎龍

傳說殷王武丁之賢

相也死補辰宿

與織女兮合婚舉天畢兮掩邪

畢宿名也畢有凶姦名故欲以掩取

邪佞之人也

穀天孤兮歎姦

孤亦星名也孤矢弓弩故欲以歎姦人也

隨真人兮

翱翔

真仙人也

食元氣兮長存

元氣天象

望太微兮穆穆

太微天之中宮

穆穆和順也

睨三階兮炳分

太微之階

相輔政兮成化建烈業兮

垂勲

當與衆仙共輔天帝成化而建功也

目瞥瞥兮西沒道遐迴兮阻歎志

稽積兮未通悵倣罔兮自憐

言陞仙之事迫而不通故使志不展而自傷也

守志

亂曰天庭明兮雲霓藏三光朗兮鏡萬方

天清則雲霓除日月星辰

明君明下理賢愚得所也

斥蜥蜴兮進龜龍策謀從兮翼機衡

蜥蜴喻小

人龜龍喻君子璇璣玉衡以喻君能任賢斥去小人以自輔翼也

配稷契兮恢唐功

匹

也恢大唐堯也稷契堯佐也言遇明君則當與稷契恢大堯舜之善也

嗟英俊兮未為雙

雙匹也



楚辭章句卷十七